



UNIVERSITÄTS-  
BIBLIOTHEK  
PADERBORN

## **Analysis Methodica Ivris Pontificii**

**Venator, Daniel**

**[S.l.], 1579**

**VD16 V 541**

De Excessibus Praelatorum & subditorum. Titulus XXXI.

---

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

penitentia monasterium ingredi admonetur, c. veniens, & d. c. innotuit, extr. cod.

## DE EXCESSIBVS PRAELATORUM & subditorum.

*Titulus XXXI.*

*Quid est Excessus?*

**E**xcessus hic dicitur delictum vel vitium, quo quis modum, quem seruari iniuncti muneris ratio requirit, transgreditur, c. ad hanc, & c. illud, ext. cod.

*Qui dicuntur Excessus Praelatorum?*

Sunt omnia grauamina iniquae conditionis, quibus subditos opprimunt Praelati. Et vitia, quae dignitati eorum non parum dedecoris afferunt: Vt sunt iniquae exactiones, procurationes, census, iniustae vsurae, occupationes, detentiones, subiectiones, liberationes, iniustae excommunicationes, suspensiones, aliaque interdicta, detractiones, diminutiones reddituum, obseruationes nimij rigoris, nimiae relaxationes rigoris, singularium cibarium exquisitiones, diuitiarum & ornamentorum studium, inhabilium promotiones, superba praedicationes, sacramentorum conferendorum neglectus & denegationes. Et alia vitia, quae functionis ratio detestanda & fugienda flagitat, de quibus c. 1. c. 2. c. 3. c. sicut, c. inter, c. nimis, ext. cod. Et per omnes distinctiones decretorum.

*Qui sunt Excessus subditorum?*

Sicuti Praelatos virtute regere subditos debent, ita subditi vicissim suis Praelatis cum omni honore & reuerentia morem gerere tenentur: quem si peruersitate morum corrupti non gesserint, excessum facere videntur, dicitur enim excessus delictum, vel vitium, quo ratio officij quod incumbit, exceditur: vt sunt blasphemiae

miæ

1022 ANALYS. IVRIS PONTIFICII  
miæ, crimen læsæ maiestatis, crimen falsi, vfura, rapina,  
mendacia, furta, turpe lucrum. Et alia crimina, de qui-  
bus suprâ latius, &c.

DE NOVI OPERIS NVN-  
ciatione.

Titulus XXXII.

Continuatio.

**M**odus quandoque ædificando, non absque vici-  
ni iniuria & damno exceditur. Cui malo per o-  
peris noui nunciationem, iuris conseruandi, da-  
mniq; depellendi, causa, introductam, obuiam itum  
est, c. l. extr. cod.

*Quid est noui operis Nunciatio?*

Nunciatio noui operis est, illi vel alij eius nomine, q  
nouum opus cum damno & iniuria alterius ædificat, le-  
gitimè facta prohibitio. Nunciare enim hic nihil aliud  
significat, quam prohibere. & nunciat nouum opus, qui  
denunciat vicino, ne ædificet, glos. in l. si procura. ff. co.  
& c. significantibus, extr. cod. Opus verò nouum facere  
videtur, qui ædificando, vel detrahendo aliquid, pristi-  
nam operis faciem mutat, d. l. i. §. opus nouum, ff. cod.

*Quæ causa Efficiens?*

Lex, statuta canonum, & voluntas nunciantis. Vn-  
de Lucius tertius Paduano Episcopo, sicut (inquit) leges  
non dedignantur sacros canones imitari: ita & cano-  
num statuta Principum constitutionibus adiuuantur.  
Quod igitur post denunciationem noui operis, siue iu-  
re siue iniuria fuerit constructum, legalibus constitu-  
tionibus demoliri debet. Et quia nulla Ecclesia in præiu-  
diciu alterius est construenda, negotium ipsum, secū-  
dum legum & canonum statuta absque mora terminā-  
dum est, c. intelleximus, extr. cod.

*Quæ*